

आकाशवाणी

1. भारत-अमरीका बपार नीति गी अमलीजामा पोआने आस्तै गल्लबात च लग्गे दे न।
2. प्रधानमंत्री नरेंद्र मोदी होर सरदार वल्लभ भाई पटेल हुं'दी डेढ सौमी जयंती दे मौके पर एकता नगर, गुजरात च 1 जहार करोड़ रपे दी विकास परियोजनाएं दा शुभारम्भ करडन।
3. केंद्री गृह मंत्री अमित शाह होरें भव्य एकता परेड दी घोशणा कीती जेड़ी 'एक भारत' दी घोशणा कीती जेड़ी 'एक भारत' दी सोच कन्नै हर ब'रे 31 अक्टूबर गी एकता नगर गुजरात च आयोजित कीती जाग।
4. बिहार विधानसभा चुनाएं दे पहले चरण दा चुनांs प्रचार तेज होआ, बक्ख-बक्ख राजनीतिक दलें दे नेताएं राज्य च रोड शा ते रैलियां कीतियां।
5. रक्षा मंत्री आसियान विदेश मंत्रिं दी बैठक च शामिल होने आस्तै अपने दो रोजा मलेशिया दौरें पर रवाना होए।
6. बुसान च शि जिनिपिंग हुं'दे कन्नै मलाटी परेंत अमरीका नै चीन पर टैक्स 57 फीसदी थमां घटाइए 47 फीसदी कीता।

<><><><><><>

EAm-US Trade

विदेशी मामलें सरबंधी मंत्रालय नै अज्ज आखेआ ऐ जे बपार नीति गी अंतिम रूप देने आस्तै भारत लगातार अमरीका कन्नै गल्लबात करा' रदा ऐ। नमीं दिल्ली च मीडिया गी संबोधित करदे होई मंत्रालय दे प्रवक्ता रंधीर जायसवाल होरें आखेआ जे दवें बक्खी दा इस मसले बारें गल्लबात जारी ऐ। उनें एहू बी आखेआ जे भारत छड़ा हाल च गै रूसी तेल कंपनिं पर अमरीका दे नजरिए दी समीक्षा करा'रदा ऐ ते नमीं दिल्ली दा फैसला वैश्विक बजार दे बदलदे रूप गी दिखदे होई गै फैसले लैग। उनें दस्सेआ जे उर्जा बारें भारत दी स्थिति बारें सारे अच्छे तरीके जानदे न।

<><><><><><>

## PM-Gujrat-Visit

प्रधानमंत्री नरेंद्र मोदी होर अज्ज अपने दो रोजा गुजरात दौरे पर न। प्रधानमंत्री होर एकता नगर च बक्ख-बक्ख विकास परियोजनाएं दा नीह पत्थर रक्खडन ते केइएँ दे शुभारम्भ बी करडन जिंदे पर 1 जहार 40 करोड़ रपे खर्च कीते जांगन। अज्ज संझा मोदी होर 25 ई-बसें गी बी झंडी दस्संगन। कल प्रधानमंत्री होर भारत दे लौहपुरुष मन्ने जाने आहले सरदार वल्लभभाई पटेल हुंदी प्रतिभा पर पुष्पांजलि अर्पित करडन। सरदार वल्लभभाई पटेल हुंदे डेढ सौमी जयंती दे मौके राश्ट्री एकता दिवस दे तैहत कई कार्यक्रम आयोजित कीते जा'रदे न। अज्ज शुरू कीती गेदी परियोजनाएं च बिरसा मुंडा ट्राइबल विश्वविद्यालय, रापीपला बी शामिल ऐ। एहदे अलावा सतपुड़ा प्रोटेक्शन वाल, ई-बस चार्जिंग केंद्र ते नर्मदा घाट दा विकास शामिल ऐ। एहदे अलावा प्रधानमंत्री होर कई विकास परियोजनाएं दा नीह पत्थर बी रक्खडन जिंदे च म्युजियम ऑफ रायल किंगडम्स ऑफ इंडिया दा निर्माण शामिल ऐ जेदे पर 367 करोड़ रपे खर्च कीते जांगन। इस कार्यक्रम दरान प्रधानमंत्री होर 150 रपे दा यारगिरी सिक्का ते इक्क डाक टिकट जारी करडन। कल एकता दिवस कार्यक्रमें दे हिस्से दे तौरा पर श्री मोदी होर राश्ट्री एकता शपथ बी दोआडन ते एकता दिवस परेड दा निरीक्षण करंगन। इस साल दी परेड च 9 राज्यें थमां बी.एस.एफ, सी.आई.एस.एफ, आई.टी.बी.पी ते दुए सुरक्षा बलें दी टुकड़ियां शामिल होंगन। राज्यें दी उपलब्धिएं पर आधारित झांकियां बी दस्सी जांगन।

<><><><><><>

## GST

नमी पीढी दे जीएसटी सुधारें छत्तीसगढ़ च हत्थखड्डी ते सीमेंट उद्योग गी बड़ा लाह पुजा'रदा ऐ। हत्थखड्डी क्षेत्र पर टैक्स 5 फीसद करी दिता गेआ ऐ जेदे कन्नै डेढ लक्ख लोकें दा रोजगार जुड़े दा ऐ। हत्थें कन्नै बुनी दिएं साड़िएं, टस्सर सिल्क हुन मती किफायती होई गेइयां न। सीमेंट पर जीएसटी 28 थमां घटाइए 18 फीसद करी दिता गेआ ऐ जेदे कन्नै निर्माण खर्च घट्ट होआ ते क्षेत्र च रोजगार दे मते मौके पैदा होडन। रोजगार गी मजबूत करने, रिवायती हुनरें दी संभाल दे नमें उद्योग दे मौकें कन्नै टिकाउ समाजी आर्थिक विकास होआ'रदा ऐ।

<><><><><><>

## Shah-Unity Parade

केंद्री गृह मंत्री अमित शाह होरें आखेआ ऐ जे राश्ट्री एकता दिवस दे मौके पर भव्य एकता परेड दा शुभारम्भ प्रधानमंत्री नरेंद्र मोदी होर करडन जेदा विशे-भारत, श्रेष्ठ भारत होगा। उनें दस्सेआ जे इस परेड दा आयोजन हर साल 31 अक्टूबर गी एकता नगर च कीता जाग। पटना च इक प्रेस वार्ता गी संबोधित करदे होई शाह होरें आखेआ जे एह परेड सरदार वल्लवभाई पटेल हुं'दे जयंती दे मौके करवाई जा'रदी ऐ जेड़ी गै नमी दिल्ली च आयोजित होने आहली गणतंत्र दिवस दी परेड आहला लेखा होग। शाह होरें इब्बी घोशणा कीती जे एहता नगर च भारत पर्व दा आयोजन 1 थमां 15 नवंबर तोड़ी भगवान बिरसा मुंडा हुं'दी जयंती दे उपलक्ष्य च मनाया जाग।

<><><><><><>

## Bihar-Compaining

चुनांस दे पहले चरण आस्तै बिहार च चुनांस प्रचार-प्रसार तेज होई गेआ ऐ। एन.डी.ए ते महागठबंधन इक-दुए पर इल्जाम लाने ते मतदाताएं गी अपने पासे करने च लग्गे दे न। बिहार दे मुजफ्फरपुर च इक चुनावी रैली गी संबोधित करदे होई वरिष्ठ बीजेपी नेता ते प्रधानमंत्री नरेंद्र मोदी होरें आखेआ जे एनडीए बिहार च शिक्षा, सेहत, सुविधा ते सिंचाई क्षेत्र च मौके बदाने आस्तै बचने बज्झी दी ऐ। उनें आखेआ जे सरकार बिहार थमां विस्थापन रौकने आस्तै पूरी कोशिश करोग ते रोजगार दे मौके बी पैदा कीते जाडन। आर.जे.डी ते कांग्रेस पर अपने कार्यकाल दरान बुरे शासन दा आरोप लांदे होई मोदी होरें आखेआ जे उस दरान भ्रष्टाचार चरम सीमा पर हा ते राज्य च कोई विकास नेई होआ। उनें छठ पूजा बारें उलटे-सिद्धे बयान देने आस्तै आरजेडी ते कांग्रेस दी ओलोचना कीती। उनें आखेआ जे बिहारददे लोक इसी कदें नेई भुल्लडन। दुई बक्खी महागठबंधन दे मुखमंत्री पद दे मेदवार तेजस्वी यादव होरें इल्जाम लाया जे राजनीतिक दल वोटें आस्तै बिहार दा शोषण करा'रदे न ते गुजरात च उद्योग स्थापित करा'रदे न। उनें बिहार दे लोकें गी आखेआ जे ओह कट्ठे होई जान ते ऐसी पार्टिं गी सत्ता च आने थमां रोकन।

<><><><><><>



## Defence Minister Malasia

रक्षा मंत्री राजनाथ सिंह होर अज्ज अपने मलेशिया दे 2 रोजा दौरै रवाना होई गए। ओह 1 नवंबर गी आसियान रक्षा मंत्रिणं दी बैठक च शिरकत करडन। एक्स पर जानकारी दिंदे होई सिंह होरें आखेआ जे इस बैठक दा मकसद आसियान सदस्य देशें बशकार रक्षा ते सुरक्षा सहयोग गी मजबूत करना ते एकट ईस्ट पालिसी च नमापन आहनना ऐ। रक्षा मंत्रालय दे मताबक इस दौरै दरान मंत्री होरें गी मेद ऐ जे अपने हमरूतबाएं कन्ने दपकखी बैठकां कीती जाडन।

<><><><><><>

## US Prez. China Tarrif

अमरीका दे राष्ट्रपति डोनल्ड ट्रम्प होरें अज्ज आखेआ जे चीन पर टैक्स घटाइयै 47 फीसद कीता जाग जेड़ा गै इसलै 57 फीसदी ऐ। चीन दे राष्ट्रपति शी जिनपिंग हुंदे कन्ने दक्खन कोरिया दे शहर बुसान च मलाटी करने परैंत ट्रम्प होरें आखेआ जे चीन तौले गै अमरीका थमां सोयाबीन खरीदना शुरू करोग। उनें एह बी आखेआ जे दुलर्भ पृथ्वी तत्वें सरबंधी मसला सुलझाया जा'रदा ऐ ते चीन थमां इन्दे आयात च कोई रूकावट नेई ऐ। ट्रम्प होरें आखेआ जे चीन पर फटानिल टैक्स 20 फीसदी थमां घटाइये 10 फीसदी करी दिता गेआ ऐ।

<><><><><><>

## CM-Housing Colonies

जम्मू-कश्मीर सरकार नै प्रधानमंत्री आवास योजना शैहरी तैहत केई सारे प्रोजैक्टें दी शुरूआत कीती ऐ तां जे शैहरी इलाकें च बदा'रदे रश आहली समस्या कन्ने निब्बड़ेआ जाई सके। एह जानकारी घरें-मकानें ते शैहरी विकास मैहकमे आसेआ विधानसभा च दिती गेई। एन.सी दे विधायक अली मोहम्मद सागर हुंदे आसेआ पुच्छे गेदे इक सोआलै दे परते च सरकारै दस्सेआ जे नमी रिहायशी कालोनियां आर्थिक तौरा पर कमजोर वर्ग दे लोकें लेई न। जवाब च दस्सेआ गेआ जे आर्थिक तौर पर कमजोर वर्ग लेई 760 फ्लैट्स भलवाल जम्मू च बनाए जा'रदे न जिसले कि 304 फ्लैट्स उधमपुर च बनाए जा'रदे न।

<><><><><><>

## LA-Bills

जम्मू-कश्मीर विधानसभा ने शासन की तगड़ा बनाने, करायेदारों के मकान मालके के अधिकारों की राखी, श्रमिकों के हालात में सुधार आह्वान के सहकारी समितियों सरबन्धी ढांचों में सुधार आह्वान के 4 महत्वपूर्ण बिलों की अजब ध्वनिमत के कन्ने पास करी दित्त ऐ। मुखमंत्री ओमर अब्दुल्ला हों जम्मू-कश्मीर में करायें के नियमन सरबन्धी बिल 2025 की सदन में पेश कीता के पास बी करोआया। एहदे राहें हुन प्रदेश में करायें की निगरानी सरबन्धी प्राधिकरण खड़ेया जाहग जेहड़ा करायेदारों के मकान मालके बशकार होने आह्वान के विवादों की बेल्ले सिर नबेड़ने में मदाद करग। ग्रामीण विकास के पंचैती राज मंत्री जावेद अहमद डार हों पंचैती राज संशोधन बिल 2025 के सहकारिता समितियों सरबन्धी संशोधन बिल 2025 की कामयाबी कन्ने पास करोआया जिंदे राहें भलेआं हेठली सतह उप्पर लोकतंत्र की मजबूती थोग के सहकारी समितियों के कम्मकाज होर मते चुस्त-दुरुस्त बनडन। उपमुखमंत्री सुरिंदर चौधरी हों हट्टियों के इदरों सरबन्धी बिल 2025 की पास करोआया जेहदा मकसद श्रमिकों के अधिकारों की राखी-हिफाजत की जकीनी बनाना ऐ।

<><><><><><>

## BJP-Walkout

भारती जनता पार्टी के विधायकों जम्मू-कश्मीर विधानसभा थमां वॉकआउट कीता। एह वॉकआउट केंद्र शासित प्रदेश में हाल में आए के हाड़ें के मगरा आहली स्थिति पर चर्चा करने की मंग की लेइए हा। बीजेपी के विधायक प्रश्नकाल दरान खड़ोते के रेय, जियां गै सभा की कार्रवाई शुरू होइ तां विधायकों जम्मू में हाड़ें करी प्रभावित इलाके पर अर्द्धा घंटा चर्चा कराने की मंग कीती। स्पीकर अब्दुल रहीम राथर हों मिम्बरों की अपनी-अपनी सीट पर बैठने की सलाह दित्ती पर ओह लोक अपनी थाह पर नेइ बैठे के चर्चा की मंग करदे रेय। मगरा बीजेपी नै विधानसभा थमां वॉकआउट कीता।

<><><><><><>

## LG-Employees Dismissed

उपराज्यपाल मनोज सिन्हा हों 2 सरकारी कर्मियों की उन्दे आतंकवादियों कन्ने कथित तौर पर सरबन्ध होने के चलदे बरखास्त करी दित्त ऐ। आकाशवाणी जम्मू संवाददाता की

रिपोर्ट मुजब इनें कर्मचारिएं दी पंछान गुलाम हुसैन ते माजिद इकबाल डार दे तौर पर होई ऐ। एह दवे शिक्षा मैहकमे च अध्यापक दे तौर पर सेवा देआ' रदे हे। हुसैन रियासी जिले दी माहौर तहसील दा रौहने आहला ऐ जिसले कि डार राजौरी जिले दे खेयोर इलाके दा बसनीक ऐ। इनें दौनें दे बक्खरे-बक्खरे बरखास्तगी आहले आदेशें च लिखे दा ऐ जे उपराज्यपाल होरें सबूतें ते हालात गी पूरा ध्यानै च रखदे होई एह आदेश दिते न।

<><><><><><>

## Rosters

जम्मू-कश्मीर सरकारै, नवम्बर ते दिसम्बर म्हीने गितै अपने 5 मंत्रिएं लेई कम्मकाज ते गतिविधिएं आहली इक सूची जारी कीती ऐ। इस सूची दे मताबक, एह सब्बै मंत्री औंदी 3 नवम्बर शा लेइयै 5 दिसम्बर तगर बारी-बारी सिर श्रीनगर आहले सिविल सैक्रेटेरिएट च मजूद रवा करडन। हुकमै मूजब, मंत्री जावेद अहमद डार, सकीना इत्, सतीश शर्मा, सुरिंदर चौधरी ते जावेद अहमद राणा होरें' गी आखेआ गोआ ऐ जे ओह इस अवधि दे दरान श्रीनगर आहले नागरिक सविचालय च मजूद रेइयै लोकें दिएं समस्याएं दे नबेड़े जकीनी बनान। तोआई सरकारै औंदे नवम्बर म्हीने लेई, श्रीनगर सिविल सैक्रेटेरिएट च प्रशासनिक सचिवें दी मजूदगी बारै बी इक ब्यौरेवार सूची जारी कीती ऐ। सरकारी हुकमै मूजब, बक्ख-बक्ख मैहकमें दे सीनियर ऐहलकार, नवम्बर म्हीने बारी-बारी सिर, सिविल सैक्रेटेरिएट च मजूद रवा करडन।

<><><><><><>